



## МОНГОЛ УЛСЫН ЗАСГИЙН ГАЗРЫН ТОГТООЛ

2024 оны 12 сарын 30 өдөр

Дугаар 254

Улаанбаатар хот

### ┌ Хүүхдийн хоолны түүхий эдийн зардлын ┐ хэмжээг шинэчлэн тогтоох тухай

Боловсролын ерөнхий хуулийн 24.1.7, 38.6, Ерөнхий боловсролын сургуулийн хоол үйлдвэрлэл, үйлчилгээний тухай хуулийн 10.1.1-д заасныг тус тус үндэслэн Монгол Улсын Засгийн газраас ТОГТООХ нь:

1.Ерөнхий боловсролын сургуулийн 1-5 дугаар ангийн хүүхдийн нэг өдрийн үдийн хоолны түүхий эдийн зардлыг 2500 (хоёр мянга таван зуу) төгрөгөөр, 1-12 дугаар ангийн хөгжлийн бэрхшээлтэй хүүхдийн нэг өдрийн үдийн хоолны түүхий эдийн зардлыг 3400 (гурван мянга дөрвөн зуу) төгрөгөөр тус тус тогтоосугай.

2.Ерөнхий боловсролын сургуулийн дотуур байранд амьдрах дунд болон ахлах ангийн хүүхдийн нэг өдрийн хоолны түүхий эдийн зардлыг 6300 (зургаан мянга гурван зуу) төгрөгөөр, бага ангийн хүүхдийн нэг өдрийн хоолны түүхий эдийн зардлыг 6000 (зургаан мянга) төгрөгөөр тус тус тогтоосугай.

3.Ерөнхий боловсрол эзэмшиж байгаа мэргэжлийн болон техникийн боловсролын сургалтын байгууллагын дотуур байранд амьдрах хүүхдийн нэг өдрийн хоолны түүхий эдийн зардлыг 6300 (зургаан мянга гурван зуу) төгрөгөөр тогтоосугай.

4.Хүүхдийн хоолны түүхий эдийн зардлын гүйцэтгэлийг хүүхэд-өдрөөр тооцон, гүйцэтгэлээр санхүүжүүлж, хэрэгжилтэд хяналт тавьж ажиллахыг Боловсролын сайд П.Наранбаярт даалгасугай.

5.Хүүхдийн хоол үйлдвэрлэл, үйлчилгээнд зохих стандартыг мөрдүүлж, хоолны цэсэд сүү, сүүн бүтээгдэхүүний хэмжээг нэмэгдүүлэх, хүнсний түүхий эд, бүтээгдэхүүн ханган нийлүүлэлтийг хувийн хэвшилтэй хамтран хэрэгжүүлэх арга хэмжээний санал боловсруулан Засгийн газрын хуралдаанд танилцуулахыг Хүнс, хөдөө аж ахуй, хөнгөн үйлдвэрийн сайд Ж.Энхбаяр, Боловсролын сайд П.Наранбаяр, Эрүүл мэндийн сайд Т.Мөнхсайхан нарт тус тус даалгасугай.

6.Төрийн албаны албан тушаалын цалингийн зэрэглэл, хэмжээтэй уялдуулан сургууль, цэцэрлэгийн хоол зүйч, мэргэжлийн тогооч, туслах тогооч, бэлтгэгч, угаагч нарын ажлын онцлог, хөдөлмөрийн нөхцөл, ачааллыг харгалзан цалингийн доод хэмжээг нэмэгдүүлэх асуудлыг судалж танилцуулахыг Гэр бүл, хөдөлмөр, нийгмийн хамгааллын сайд Л.Энх-Амгалан, Боловсролын сайд П.Наранбаяр нарт, гал тогооны байр ашиглалттай холбоотой зардлыг эрх бүхий байгууллагын тогтоосон

тарифын дагуу тооцож, холбогдох санхүүжилтийг боловсролын сургалтын байгууллагад олгож байхыг аймаг, нийслэлийн Засаг дарга нарт тус тус даалгасугай.

7.Энэ тогтоол гарсантай холбогдуулан “Хоолны зардлын норматив тогтоох тухай” Засгийн газрын 2019 оны 12 дугаар сарын 18-ны өдрийн 450 дугаар тогтоол, “Хоолны зардлын норматив тогтоох тухай” Засгийн газрын 2022 оны 12 дугаар сарын 28-ны өдрийн 498 дугаар тогтоол, “Үдийн хоолны норматив тогтоох тухай” Засгийн газрын 2021 оны 8 дугаар сарын 11-ний өдрийн 237 дугаар тогтоолын 1 дэх заалтыг тус тус хүчингүй болсонд тооцсугай.

8.Энэ тогтоолыг 2025 оны 01 дүгээр сарын 01-ний өдрөөс эхлэн дагаж мөрдсүгэй.



МОНГОЛ УЛСЫН ЕРӨНХИЙ САЙД

БОЛОВСРОЛЫН САЙД

Л.ОЮУН-ЭРДЭНЭ

П.НАРАНБАЯР